

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14, 59/22 i 50/24), te na osnovu preporuke Komisije za javne nabavke, a po provedenom postupku za nabavku roba – Nabavka goriva, ulja i maziva i drugo, direktor Instituta za zdravlje i sigurnost hrane Zenica donosi

ODLUKU
o izboru najpovoljnijeg ponuđača

Član 1.

Prihvata se preporuka Komisije za javne nabavke, te se Okvirni sporazum za nabavku roba- Nabavka goriva, ulja i maziva i drugo dodjeljuje ponuđaču HOLDINA d.o.o. Sarajevo koji je dostavio ponudu broj: 012/40005515/06-01-26/3 od 07.01.2026. godine (broj ugovornog organa: 01-131/26 od 09.01.2026. godine) u kojoj je ponuđena ukupna cijena od 157.603,00 KM sa popustom bez PDV-a i rokom plaćanja od 60 dana.

Okvirni sporazum će se zaključiti na period od 3 (tri) godine.

Član 2.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenoj kopiji).

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-4773/25 od 22.12.2025. godine. Postupak nabavke je proveden otvorenim postupkom za koji je objavljeno obavještenje o nabavci broj: 7126-1-1-329-3-134/25 od 22.12.2025. godine na Portalu javnih nabavki. Postupak nabavke provela je Komisija za javne nabavke imenovana Rješenjem broj: 02-4774/25 od 22.12.2025. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da su ukupno pristigle četiri ponude;
- da su blagovremeno zaprimljene četiri ponude;
- da nije bilo neblagovremenih ponuda;
- da je jedna ponuda odbačena kao neprihvatljiva u skladu sa članom 68. ZJN BiH;

U toku ocjene ponuda Komisija za provođenje postupka javne nabavke je utvrdila da je ponuđač BRKIĆ-PETROL d.o.o. Zenica u svojoj ponudi dostavio izjavu iz člana 49. Zakona o javnim nabavkama BiH, međutim ista nije popunjena u skladu sa zahtjevima tenderske dokumentacije. Naime, ponuđač je u obrascu izjave o ispunjenosti uslova iz člana 49. tačka b) Zakona o javnim nabavkama BiH naveo adresu benzinske pumpe za grad Bihać, ali nije označio način raspolaganja

istom (vlasništvo ili raspolaganje), iako je u obrascu izričito navedeno da je ponuđač obavezan zaokružiti jednu od ponuđenih opcija.
S obzirom na navedeno, ugovorni organ nije mogao utvrditi postojanje pravnog osnova raspolaganja traženim kapacitetima, zbog čega se ponuda smatra neprihvatljivom.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Komisija je izvršila rangiranje ponuđača po utvrđenom kriteriju za dodjelu ugovora (ekonomski najpovoljnija ponuda) i to kako slijedi:

Redni broj	Naziv ponuđača	Ukupna cijena ponude bez PDV-a sa popustom	Broj bodova po kriteriju - cijena	Rok plaćanja	Broj bodova po kriteriju – rok plaćanja	Ukupan broj bodova
1	HOLDINA d.o.o. Sarajevo	157.603,00	98	60 dana	2	100
2	HIFA-PETROL d.o.o. Sarajevo	161.239,00	95,79	60 dana	2	97,79
3	ALMY d.o.o. Zenica	167.020,42	92,47	60 dana	2	94,47

Nakon ocjene ponuda, Komisija je iste rangirala kako slijedi:

1. HOLDINA d.o.o. Sarajevo – 100 bodova
2. HIFA-PETROL d.o.o. Sarajevo – 97,79 bodova
3. ALMY d.o.o. Zenica – 94,47 bodova.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač HOLDINA d.o.o. Sarajevo dostavio urednu ponudu koja je ocijenjena sa maksimalnim brojem bodova (100 bodova), a obzirom da je kriterij za izbor najpovoljnije ponude ekonomski najpovoljnija ponuda, odlučeno je kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:

- 1x HIFA-PETROL d.o.o. Sarajevo
- 1x HOLDINA d.o.o. Sarajevo
- 1x ALMY d.o.o. Zenica
- 1x BRKIĆ-PETROL d.o.o. Zenica
- 1x www.inz.ba
- 1x arhiva

